

অধ্যায় ৩য় (বাংলাদেশের শিল্প)

জ্ঞানমূলক

১। শিল্প কী?

উত্তরঃ কোনো সমজাতীয় দ্রব্য বা সেবা উৎপাদনে নিয়োজিত সকল উৎপাদন প্রতিষ্ঠান বা ফার্মের সমষ্টিকে শিল্প বলা হয়।

২। কুটির শিল্প কী?

উত্তরঃ কুটির শিল্প বলতে বুঝায় যে শিল্পে জমি কারখানা ব্যতিরেকে স্থায়ী সম্পদের মূল্য প্রতিস্থাপন ব্যয়সহ ৫ লক্ষ টাকার নিচে এবং পরিবারের সদস্য সংখ্যা ১০ জনের অধিক নয়।

৩। ক্ষুদ্র শিল্প কী?

উত্তরঃ ক্ষুদ্র শিল্প হলো যে শিল্পে জমি কারখানা ব্যতিরেকে স্থায়ী সম্পদের প্রতিস্থাপন ব্যয়সহ ১০ লক্ষ টাকা থেকে ১০ কোটি টাকা কিংবা যেসব শিল্প প্রতিষ্ঠানে ২৫-৯৯ জন শ্রমিক কাজ করে।

৪। উত্তরঃ বৃহৎ শিল্প হলো যে শিল্পে জমি কারখানা ব্যতিরেকে স্থায়ী সম্পদের প্রতিস্থাপন ব্যয়সহ ৩০ কোটি টাকার অধিক কিংবা যেসব শিল্প প্রতিষ্ঠানে ২৫০ জনের অধিক শ্রমিক নিয়োজিত আছে।

৫। সংরক্ষিত শিল্প কী?

উত্তরঃ সরকারি নির্দেশের মাধ্যমে যেসকল শিল্প জাতীয় নিরাপত্তার স্বার্থে সংরক্ষিত রাখা প্রয়োজন এবং যেসব শিল্প স্পর্শকাতর ও সংবেদনশীল হিসাবে সরকারি বিনিয়োগের জন্য সংরক্ষিত সেসব শিল্পকে সংরক্ষিত শিল্প বলে।

৬। অগ্রাধিকার শিল্প কী?

উত্তরঃ অগ্রাধিকার শিল্প বলতে সে সমস্ত শিল্প গণ্য হবে যে শিল্পখাতগুলো বিকাশমান এবং ক্রমবর্ধমানভাবে দেশের সামগ্রিক রপ্তানিতে অবদান রাখার সম্ভাবনা রয়েছে।

৭। হাইটেক শিল্প কী?

উত্তরঃ হাইটেক শিল্প হলো জ্ঞান ও পুজিনির্ভর উচ্চ প্রযুক্তিভিত্তিক পরিবেশবান্ধব এবং আইটি বা গবেষণামূলক শিল্প।

৮। আমদানি বিকল্প শিল্প কী?

উত্তরঃ প্রথিবীর অপরাপর দেশ হতে আমদানিকৃত পণ্য দ্রব্য হ্রাস কওে উক্ত দ্রব্য উৎপাদনে দেশের অভ্যন্তরে শিল্প স্থাপন, উৎপাদন এবং যোগান দেয়াই হলো আমদানি বিকল্প শিল্প।

৯। রপ্তানিমুখী শিল্প কী?

উত্তরঃ যেসব শিল্প প্রতিষ্ঠান প্রধানত বিদেশে রপ্তানি ও বৈদেশিক মুদ্রা অর্জনের উদ্দেশ্যে পণ্যসামগ্রী উৎপাদন কওে তাই রপ্তানিমুখী শিল্প।

১০। মাইক্রো শিল্প কী?

উত্তরঃ মাইক্রো শিল্প বলতে সেসব শিল্প প্রতিষ্ঠানকে বোঝাবে যেসব প্রতিষ্ঠানে জমি এবং কারখানা ভবন ব্যতিরেকে স্থায়ী সম্পদেও মূল্য প্রতিস্থাপন ব্যয়সহ ৫ লক্ষ টাকা থেকে ৫০ লক্ষ টাকা কিংবা যেসব শিল্প প্রতিষ্ঠানে ১০-২৪ জন বা তার চেয়ে কম সংখ্যক শ্রমিক কাজ করে।

১১। বৃহদায়তন শিল্প কী?

উত্তরঃ যেসব শিল্পের আয়তন বড় জমি ও কারখানা ভবন ব্যতিরেকে স্থায়ী সম্পদেও প্রতিস্থাপন ব্যয়সহ ১৫-৩০ কোটি টাকার অধিক এবং ১০০-২৫০ জনের অধিক শ্রমিক যেসব শিল্প প্রতিষ্ঠানে কর্মরত সেসব শিল্পকে বৃহদায়তন শিল্প বলে।

অষ্টম অধ্যায় (আন্তর্জাতিক বাণিজ্য)

১। অভ্যন্তরীণ বাণিজ্য কী?

উত্তরঃ একই দেশের বিভিন্ন অঞ্চলের মধ্যে অথবা একই কেন্দ্রীয় ব্যাংকের আওতাধীন বিভিন্ন অঞ্চলের মধ্যে দ্রব্য ও সেবার বিনিময় সংক্রান্ত অর্থনৈতিক কার্যাবলিকে অভ্যন্তরীণ বাণিজ্য বলে।

২। বিশ্বায়ন কী?

উত্তরঃ পুঁজিসহ উৎপাদনের সকল উপকরণ এর আন্তর্জাতিকীকরণ প্রক্রিয়ার মাধ্যমে মানুষের অর্থনৈতিক, রাজনৈতিক এবং সাংস্কৃতিক মিল বন্ধনের দ্বারা একটি বিশ্বগ্রাম প্রতিষ্ঠা করাকে বিশ্বায়ন বলা হয়।

৩। বৈদেশিক সাহায্য কী?

উত্তরঃ বৈদেশিক সাহায্য বলতে একটি দেশের জরুরি প্রয়োজনে, অর্থনৈতিক উন্নয়নের জন্য খাদ্য, ওষুধ, প্রকল্প, দান, অনুদান, ঋণ, আর্থিক ও কারিগরি যেকোনো ধরনের দেশ বহির্ভূত সহায়তা গ্রহণ এবং প্রদান উভয়কে বোঝায়।

৪। অপ্রচলিত রপ্তানি দ্রব্য কী?

উত্তরঃ কিছুদিন পূর্বেও যেসব দ্রব্য বাংলাদেশ থেকে বিদেশে রপ্তানি করা হতো না, কিন্তু সাম্প্রতিককালে রপ্তানি করা হয় তাকে অপ্রচলিত দ্রব্য বলে।

৫। আন্তর্জাতিক বাণিজ্য কী?

উত্তরঃ দেশের সীমানা পেরিয়ে দু বা ততোধিক স্বাধীন ও সারভৌম দেশের মধ্যে আইনগত প্রক্রিয়ার মাধ্যমে দ্রব্য ও সেবার বিনিময় সম্পন্ন হলে তাকে আন্তর্জাতিক বাণিজ্য বলে।

৬। আমদানি কী?

উত্তরঃ দেশের বাইরে থেকে দ্রব্যসামগ্রী ক্রয় করে দেশে আনার প্রক্রিয়াকে আমদানি বলে।

৭। কয়েকটি আমদানি দ্রব্যের নাম লিখ?

উত্তরঃ তৈলবীজ, কাঁচা তুলা, সুতা, যন্ত্রপাতি ইত্যাদি।

৮। কয়েকটি রপ্তানি দ্রব্যের নাম লিখ?

উত্তরঃ কাঁচাপাট, চা, চামড়া ও চামড়াজাত দ্রব্য ইত্যাদি।

৯। রপ্তানি কী?

উত্তরঃ দেশের প্রয়োজন মিটিয়ে অন্য দেশে পণ্য দ্রব্য বিক্রয় করার প্রক্রিয়াকে রপ্তানি বলে।

৪র্থ অধ্যায় (জনসংখ্যা)

১। জনসংখ্যা ঘনত্ব কী?

উত্তরঃ প্রতি বর্গকিলোমিটারে কতজন লোক বাস করে তার পরিমাপকে জনসংখ্যার ঘনত্ব বলে।

২। স্থল জন্মহার কী?

উত্তরঃ সাধারণত এক বছরে একটি দেশ বা অঞ্চলের মোট জনসংখ্যার প্রতি হাজারে যে পরিমাণ জীবন্ত শিশু জন্মগ্রহণ করে তাই যে দেশের স্থূল জন্মহার।

৩। স্থূল মৃত্যুহার কী?

উত্তরঃ কোনো নির্দিষ্ট সময়ে (সাধারণত এক বছরে) একটি দেশ বা অঞ্চলের মোট জনসংখ্যার প্রতি হাজারে মোট মৃত্যুও সংখ্যাই হলো স্থূল মৃত্যুহার।

৪। কাম্য জনসংখ্যা তত্ত্ব কী?

উত্তরঃ কোনো দেশে একটি নির্দিষ্ট সময়ে যে জনসংখ্যা বর্তমান থাকলে লোকের মাথাপিছু আয় সর্বোচ্চ হয় তাকে কাম্য জনসংখ্যা বলে।

৫। বেকারত্ব কী?

উত্তরঃ বেকারত্ব হলো জনসংখ্যার তুলনায় কর্মসংস্থানের পর্যাপ্ত সুযোগ না থাকায় কর্মক্ষম মানুষের কর্মহীন অবস্থায় থাকার এক অস্থিতিশীল পরিস্থিতি।

৬। মানব সম্পদ উন্নয়ন কী?

উত্তরঃ একজন সাধারণ মানুষকে উপযুক্ত খাদ্য, শিক্ষা প্রশিক্ষণ ও স্বাস্থ্যসেবার মাধ্যমে দক্ষ শ্রমশক্তিতে পরিণত করাই হলো মানবসম্পদ উন্নয়ন।

৭। অভিবাসন কী?

উত্তরঃ কোনো স্থান বা দেশ থেকে স্থায়ীভাবে বসবাসের জন্য অন্য স্থানে চলে যাওয়াই অভিবাসন বলে।

৮। আত্মকর্মসংস্থান বলতে কী বুঝ?

উত্তরঃ আত্মকর্মসংস্থান বলতে নিজ উদ্যোগে জীবিকার্জনের জন্য উৎপাদন কাজে নিয়োজিত থাকাকে বুঝায়।

৯। শূন্য জনসংখ্যা বৃদ্ধি কাকে বলে?

উত্তরঃ কোনো নির্দিষ্ট সময়ে দেশের জনসংখ্যা যদি কোনো পরিবর্তন না হয় তবে তাকে শূন্য জনসংখ্যা বৃদ্ধি বলে।

দ্বিতীয় অধ্যায়(বাংলাদেশের কৃষি)

১। কৃষি কি?

উত্তরঃ ভূমি চাষ করে ফসল উৎপাদন করাই কৃষি। তবে কৃষি শব্দটি উৎপাদন, বাছাইকরণ, বাজারজাতকরণ, শস্য বন্টন ও গুদামজাত করণের সাথে সম্পর্কিত।

২। সার্বিক খাত হিসেবে কৃষির উপখাতগুলো কী কী?

উত্তরঃ শস্য ও শাকসবজি খাত, প্রাণীসম্পদ ও বনজ সম্পদ হচ্ছে কৃষির উপখাত।

৩। কৃষি ঋণ কি?

উত্তরঃ সাধারণত কৃষি কাজের জন্য যে ঋণ সহজ শর্তে প্রদান করা হয় তাকে কৃষি ঋণ বলে।

৪। পানি সেচ কী?

উত্তরঃ সেচ হলো জমিতে ফসল ফলানোর জন্য কৃত্রিমভাবে পানি দেওয়ার ব্যবস্থা।

৫। বাণিজ্যিক খামার বলতে কি বঝ?

উত্তরঃ যে খামারে বাণিজ্যিক উদ্দেশ্যে বৃহদায়তন উৎপাদন কার্যক্রম পরিচালিত হয় তাই বাণিজ্যিক খামার।

৬। শস্য বহুমুখীকরণ বলতে কি বুঝ?

উত্তরঃ শস্য বহুমুখীকরণ বলতে একই জমিতে বিভিন্ন ঋতুতে বিভিন্ন শস্য উৎপাদন বা একই খামারে একাধিক শস্য উৎপাদন করাকে বুঝায়।

৭। আদর্শ খামার কি?

উত্তরঃ আদর্শ খামার বলতে বোঝায় যেখানে উৎপাদনের বিভিন্ন উপাদানের সুষ্ঠু প্রয়োগের ফলে একর প্রতি সর্বাধিক কৃষি ফলন হয় বা সর্বাধিক কৃষি ফলনের লক্ষ্যে চাষাবাদ করা হয়।

৮। উৎপাদনশীল ঋণ বলতে কি বুঝ?

উত্তরঃ কৃষকদের বিভিন্ন পন্য উৎপাদনের কাজে সহজ শর্তে ঋণ দেওয়াকে উৎপাদনশীল ঋণ বলে।

৯। কৃষি তথ্য সার্ভিস বলতে কী বুঝায়?

উত্তরঃ কৃষিতথ্যসার্ভিসঃ সরকারী বা বেসরকারী বিভিন্ন প্রতিষ্ঠান কতৃক কৃষি তথ্যের গবেষণা, কৃষককে সরবরাহ থেকে শুরু করে নিয়মনীতি, ব্যবহার, পদ্ধতি, প্রয়োগ, পচার, উৎপাদন বিক্রি ইত্যাদি সেবা কৃষকদের মাঝে প্রয়োজনমত সবসময় সরবরাহ করাকে কৃষিতথ্যসার্ভিস বলে।

১০। কৃষি কাঠামো কি?

উত্তরঃ দেশের অর্থনীতিতে কৃষির অবস্থা ও গুরুত্ব উপাদানের উদ্দেশ্য ভূমিস্বত্ব ব্যবস্থা, খামারের আয়তন, উৎপাদন ব্যবস্থা, কৃষির উপখাতের তুলনামূলক গুরুত্ব ইত্যাদি নিয়ে গঠিত কৃষি খাতের সার্বিক অবস্থাই কৃষি কাঠামো।

১১। জৈব প্রযুক্তি কী?

উত্তরঃ কোনো জীবকে মানবকল্যাণে প্রয়োগের যে কোনো প্রযুক্তিকে বলা হয় জৈব প্রযুক্তি।

১২। পারমাণবিক কৃষি প্রযুক্তি কী?

উত্তরঃ যে কৃষি প্রযুক্তিতে পারমাণবিক টেকনোলজি ব্যবহৃত হয় তাকে পারমাণবিক কৃষি প্রযুক্তি বলে।

১৩। জীবন নির্বাহী খামার কাকে বলে?

উত্তরঃ জীবন নির্বাহের জন্য স্বল্প পুজি নিজস্ব শ্রম ও নিজস্ব ব্যবস্থাপনায় কৃষক যে কৃষিকাজ পরিচালনা করে সেই খামারই জীবন নির্বাহী খামার।

১৪। কৃষি জোত কী?

উত্তরঃ কৃষক যে আয়তনের জমির ওপর কৃষিকাজ পরিচালনা করে তাকে কৃষিজোত বলে।